



Swyddfa dros Reoli Niwclear (ONR) Adroddiad Safle Chwarterol ar gyfer Trawsfynydd

Adroddiad ar gyfer y cyfnod 1 Gorffennaf – 30 Medi 2016

Rhagair

Cyhoeddir yr adroddiad hwn yn rhan o ymrwymiad yr ONR i sicrhau bod gwybodaeth am weithgareddau arolygu a rheoleiddiol yn ymwneud â'r safle uchod ar gael i'r cyhoedd. Dosberthir adroddiadau yn chwarterol i aelodau o Grŵp Rhanddeiliaid Safle Trawsfynydd a hefyd maent ar gael ar wefan yr ONR (<http://www.onr.org.uk/lrc/>).

Fel arfer bydd arolygwyr safle o'r ONR yn mynd i gyfarfodydd Grŵp Rhanddeiliaid Safle Trawsfynydd a byddant yn ymateb i unrhyw gwestiynau a godir yno. Dylai unrhyw un sydd eisiau ymholi ynglŷn â materion a drafodir yn yr adroddiad hwn gysylltu â'r ONR.

TABL CYNNWYS

1	ARCHWILIADAU	3
2	MATERION ARFEROL.....	3
3	MATERION ANARFEROL.....	4
4	GWEITHGAREDD RHEOLEIDDIO	4
5	NEWYDDION GAN YR ONR.....	4
6	CYSYLLTIADAU.....	5

1 ARCHWILIADAU

1.1 Dyddiadau archwiliadau

Fe gyflawnodd arolygydd safle'r ONR arolygiadau ar y dyddiad canlynol yn ystod y chwarter:

5, 6, 7, ac 8 Awst 2016

Cyflawnodd Arolygwyr yr ONR ar gyfer diogelwch confensiynol archwiliad ar 24 a 25 Awst 2016.

2 MATERION ARFEROL

2.1 Archwiliadau

Cynhelir arolygiadau ar y safle fel rhan o'r broses o fonitro cydymffurfiaeth â'r canlynol:

- yr amodau a atodwyd gan yr ONR i'r drwydded safle niwclear a ddyfarnwyd dan y Ddeddf Safleoedd Niwclear 1965 (NIA65) (fel y'i haddaswyd);
- y Ddeddf Ynni 2013;
- y Ddeddf Iechyd a Diogelwch yn y Gwaith 1974 (HSA74); a
- rheoliadau a wnaed o dan HSA74, er enghraifft y Rheoliadau Ymbelydredd Ïoneiddio 1999 (IRR99) a'r Rheoliadau Rheoli Iechyd a Diogelwch yn y Gwaith 1999 (MHSWR99).

Mae'r archwiliad yn golygu monitro gweithredoedd y trwyddedai ar y safle mewn perthynas â digwyddiadau, gweithrediadau, cynnal a chadw, prosiectau, addasiadau, newidiadau i'r achos diogelwch ac unrhyw faterion eraill a all effeithio ar ddiogelwch. Mae'n ofynnol i'r trwyddedai wneud trefniadau digonol a'u rhoi ar waith o dan yr amodau sydd wedi eu hatodi i'r drwydded er mwyn sicrhau cydymffurfiaeth gyfreithiol. Mae arolygiadau yn ceisio rhoi barn ar ddigonolrwydd y trefniadau hyn a'u gweithrediad.

Yn y cyfnod hwn, cwmpasodd arolygiadau rheolaidd safle/goraf y canlynol:

- adeiladu ac/neu gomisiynu adeiladau gwaith;
- rheoli gweithrediadau yn cynnwys rheoli a goruchwyllo;
- hyfforddi staff, cymwysterau a phrofiad;
- datgomisiynu.

Yn gyffredinol, barnodd yr ONR bod y trefniadau a wnaed ac a weithredwyd gan y safle mewn ymateb i ofynion diogelwch yn ddigonol yn y meysydd a arolygwyd. Fodd bynnag, lle yr ystyriwyd bod gwelliannau yn angenrheidiol, gwnaeth y trwyddedai ymroddiadau boddhaol i fynd i'r afael â'r materion, a bydd yr arolygydd safle yn monitro cynnydd yn ystod ymweliadau yn y dyfodol. Lle bo angen, bydd yr ONR yn cymryd camau gorfodi rheoliadol ffurfiol i sicrhau y gweithredir mesurau adferol priodol o fewn terfynau amser sy'n rhesymol ymarferol.

Diogelwch Confensiynol

Diben yr ymyrraeth hwn oedd i gyflawni archwiliad o drefniadau Magnox i reoli deunyddiau sy'n cynnwys asbestos (ACMs) a gwaith gydag ACMs ar safle Trawsfynydd. Mae yna oddeutu 5000 o farwolaethau o ganlyniad i glefydau cysylltiedig i asbestos yn y Deyrnas Unedig pob blwyddyn. O'r bobl yma sy'n marw, mae 25% yn fasnachwyr fel adeiladwyr, plymwyr, seiri a thrydanwyr. Mae hyn yn cyfateb i 20 masnachwr yr wythnos. Mae rheoli a gweithio gyda ACMs yn bwnc iechyd blaenoriaeth ar gyfer safle niwclear.

Nid oes unrhyw gasgliadau o'r ymyrraeth hwn sy'n awgrymu nad yw'r risgiau a gyflwynir o asbestos yn cael eu rheoli'n ddigonol. Roedd y safle yn gallu arddangos sawl maes o arfer da, gan dderbyn unrhyw gyngor a gynigiwyd mewn modd bositif.

Yn ystod yr ymyrraeth uchod, daeth mater i'r amlwg yn ymwneud â rheoli sylwedd sy'n beryglus i iechyd, yn benodol yn ymwneud â gwaith to parhaus. Ystyriwyd y rheoliadau sydd ar waith a'u cymharu i ofynion rheoleiddiol y Rheoliadau Rheoli Sylweddau sy'n Beryglus i Iechyd. Nid oedd yn gwbl amlwg os oedd y rheoliadau oedd ar waith i'r lefel briodol. Roedd yr ymateb gan Magnox LTD yn unol â'r disgwyl mewn deiliad dyletswydd aeddfed. Heb gymhellad, cafodd y gwaith ei ohirio nes y gellid cael eglurhad am hyn. Rhoddwyd cyngor ynghylch sut i wneud hyn, gyda'r safle yn ymrwymo i ymateb i'r ONR ar pa gamau a gwblhawyd.

2.2 Gwaith arall

Mynychodd adolygydd y safle y cyfarfod cyswllt rheoleiddiol chwarterol. Mae'r cyfarfod yn ffocysu ar adolygu meysydd o ddi-ddordeb rheoleiddiol a gweithredol a rennir gyda'r bwriad o sicrhau cyd-ddealltwriaeth a disgwyliadau ar draws pob sefydliad i ddarparu canlyniadau llwyddiannus. Roedd rheolyddion o Gyfoeth Naturiol Cymru, Asiantaeth yr Amgylchedd a'r ONR ac aelodau tîm rheoli Wylfa yn bresennol yn y cyfarfod. Ni chododd unrhyw faterion o bwys yn ystod y cyfarfod.

3 MATERION ANARFEROL

Mae'n ofynnol i drwyddedai sefydlu trefniadau i ymateb i faterion a digwyddiadau anghyffredin. Mae arolygwyr yr ONR yn barnu digonolrwydd ymateb y trwyddedai, yn cynnwys sut y gweithredwyd i gyflawni unrhyw welliannau angenrheidiol.

Nid oedd unrhyw faterion neu ddi-gwyddiadau arwyddocaol o'r fath yn ystod y cyfnod.

4 GWEITHGAREDD RHEOLEIDDIO

Gall yr ONR gyhoeddi dogfennau ffurfiol i sicrhau y cydymffurfir â gofynion rheoliadol. O dan amodau trwyddedu safleoedd niwclear, mae'r ONR yn cyhoeddi dogfennau rheoliadol, sydd naill ai'n caniatáu gweithgaredd neu'n mynnu bod camau penodol yn cael eu cymryd; gelwir y rhain gyda'i gilydd yn 'Offerynnau Trwydded' (LIs), ond gallant fod ar ffurf arall. Yn ogystal, gall arolygwyr gyhoeddi Hysbysiadau Gorfodi i sicrhau gwelliannau i ddiogelwch.

- Ni chyhoeddwyd unrhyw Offerynnau Trwydded na Hysbysiadau Gorfodi yn ystod y cyfnod.

5 NEWYDDION GAN YR ONR

Materion Rheoleiddio'r ONR

Gellir cael cipolwg ar waith yr ONR fel rheolydd annibynnol i'r diwydiant niwclear yn Regulation Matters yr ONR. Mae'r cyhoeddiad ar-lein (<http://www.onr.org.uk/regulation-matters.htm>) yn adrodd ar themâu a datblygiadau allweddol ym mhob un o raglenni rheoleiddio'r ONR ac yn darparu diweddariad ynglŷn â'r newidiadau i ddod yn ONR. I gael y newyddion a diweddariadau diweddaraf gan ONR, ewch i'r wefan a chofrestrwch ar gyfer ein e-fwletin (<http://www.onr.org.uk/ebulletin/index.htm>).

6 CYSYLLTIADAU

Y Swyddfa dros Reoli Niwclear
Redgrave Court
Merton Road
Bootle
Glannau Mersi
L20 7HS

gwefan: www.onr.org.uk

e-bost: ONREnquiries@onr.gsi.gov.uk

Cyhoeddir y ddogfen hon gan y Swyddfa dros Reoli Niwclear (ONR). Am ragor o wybodaeth am ONR, neu i roi adroddiad am anghysondebau neu wallau yn y cyhoeddiad hwn, ewch i <http://www.onr.org.uk/feedback.htm>.

© Y Swyddfa dros Reoli Niwclear, 2016

Os ydych yn dymuno aildddefnyddio'r wybodaeth hon, ewch i www.onr.org.uk/copyright.htm am fanylion.
Cyhoeddwyd 10/16

Ar gyfer dogfennau cyhoeddiedig, y copi electronig ar wefan yr ONR yw'r fersiwn fwyaf cyfredol sydd ar gael i'r cyhoedd ac mae ei gopïo neu ei argraffu yn gwneud y ddogfen hon yn un na ellir ei rheoli.